



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

22164

891.99.092

L-38F

Լ. ԲԱՆՅԵԱՆ

197

Լ Է 0

(Առաքել Բարսիսանեան)



Կենսագրական-գրական ակնարկ նրա 25-ամեայ
յօրեկանի առթիւ.

ԵՐԿՐՈՐԳ ՏՊԱԿՐՈՒԹԻՒՆ

Թ Ի Ք Լ Ի Զ

Տպարան Ա. Թառումեանի

1908

891.99.092

Լ-38 Բ



891.99.092

Լ-38Բ

Մ.

Լ. ԲԱՐՍԵՆՆԵ

197
10 348

31

Լ Է 0

(Առաքել Բարսիսանեան)

Կենսագրական-գրական ակնաչկ նրա 25-ամեայ
յօթեանի սրբի.




1928

Թ Ի Ը Լ Ի Զ

Տպարան Ա. Փառումեանի

1908



891-22-022

Л. П. 0


Л-386

№

Л. П. 0

Л. П. 0

Л. П. 0



(2003 / 39)


13599.58

29720 - 4-h.

8001



Л. П. 0
(Առաջիկա Բարախանյան)
1883—1908



1883-1908
(Յանձնագրագրի փոխարինում)

Բոգոսովին աղքատ և հասարակ ծնողների գա-
 ւակ էր Առաքել Բարախանեանը (Լէօ): Նա ծնուել
 է Զուշում 1860 թ. ապրիլի 14-ին: Նրա ծնողները
 ապրում էին Զուշու յետ ընկած թաղերից մէկում և
 ահագին դժուարութեամբ հագիւ կարողանում էին ի-
 րանց ընտանիքի օրուայ պարէնը հայթհայթել: Ա-
 տաքելի հայրը՝ դերձակ Գրիգորը ստիպուած էր թո-
 նել իր արհեստը, որովհետև գրանով չէր կարողա-
 նում նոյն իսկ օրուայ հացի փոք ձեռք բերել և Զու-
 շու եկեղեցիներից մէկում ժամկոչ դառնալ: Սակայն
 և այս պարսպանքը չէր կարող բազմանգամ ընտա-
 նիքի գոյութիւնը պահպանել: Մի ընտանիք, որի մէջ
 բացի Առաքելից կային նաև երեք քոյրեր և երկու
 խորթ եղբայրներ, օրօնք ոչնչով չէին օգնում այդ
 խեղճ ու կրակ ընտանիքին: Դրա համար Առաքելի
 մայրն էլ—Եղիսաբէթը ստիպուած էր քաղաքի հա-
 րուատ աներում լուացք անելով կամ հաց հունցելով
 օգնութեան հասնել իր անձարակ ա՛նուանուն:

Բնական է, որ այդպիսի անօգնական ծնողները
 չէին կարող ուշադրութիւն դարձնել իրանց փոքրիկ,
 բայց ընդունակ գաւակի՝ Առաքելի կանոնաւոր կըր-
 թութեան վրայ. հէնց զրա համար էլ սկզբնական

զրագիտութիւն սովորելու համար Առաքելին նրանք յանձնում են Շուշու խալիֆաներից մէկին՝ Ամիր վարժապետին, որի իսկական մանկավարժութիւնը իր երկար ճիպտան էր կազմում: Այդ ճիպտաի հարւածներից Առաքելն էլ միւս աշակերտների պէս սե խաչեր է ստանում իր մարմնի վրայ: Հասարակ զրագիտութիւնը մի կերպ սովորելուց յետոյ, ծնողները փոքրիկ Առաքելին տալիս են Շուշու թեմական դպրոցը, որի տեսուչը այդ ժամանակ զրաբարազէտ Մարտիրոս Գլուպեանն էր. ժամանակակից մտքով վերցրած, մերոյիչեալ դպրոցն այն ժամանակ ոչ մի կրթիտիկայի չէր կարող զիմանայ, բայց այնուամենայնիւ իր աշակերտներին կրթական այդ հիմնարկութիւնը լաւ հայկաբանութիւն էր սովորեցնում: Իրարոցական դասաւանդութեան ժամանակ ուսուցիչները իրանց ամենադիւսաւոր ուշադրութիւնը դարձնում էին հին հայկական պատմագիրների վրայ, որոնց զլիաւոր երկերը գրեթէ ամբողջապէս անգիր անել էին տալիս իրանց աշակերտներին: Իպրոցում տիրապետող ուղղութիւնը սլաւոստիրականն էր, որի զարդը կազմում էր գրաբար լեզուն: Կենդանի լեզուի միակ դասագիրը թեմական դպրոցում այն ժամանակ Երիցեանի «Էնթերցարանն» էր, որի խղճուկ բովանդակութիւնը Առաքելը անգիր էր արել: Աշակերտները ոչ միայն բերան էին անում Վեր մատենագիրներէ գրուածքները, այլ և սովորում էին գրաբար ոտանաւորներ և շարագրութիւններ գրել: Առաքելի և նրա դասընկեր աշակերտների գրաբար ոտանաւորներից մի քանի նմուշներ մինչև անգամ տպուած

են Զմիւռնիայում հրատարակող «Արշալոյս Արարատեան» թերթում, որոնք այն ժամանակ սիրով էին կարդացում: Առաքելը իր միջնակարգ և հայկական կրթութիւնը ստանում է թեմական դպրոցում, որի ուսուցչական կարգը բաւական աննախանձելի մտաւոր պաշարի տէր մարդկանցից էր բազկացած: Իբրև ուսուցիչ այն ժամանակ աչքի էր ընկնում Դորպատի համալսարանը աւարտած Փափագեան վարդապետը, որ լաւ ֆրանսիագէտ և յայտնի բանաստեղծ էր: 1874 թ. Առաքելը իբրև առաջնակարգ աշակերտ աւարտում է թեմական դպրոցի այն ժամանակայ լրիւ դասնթացը (4 դասարանեան) Խորէն վարդապետ Ատեփանէի տեսչութեան օրով:

Առաքելի աղքատ ծնողները անհամբեր սպասում են իրանց որդու դպրոց աւարտելուն, յոյս ունենալով, որ նա դրա շնորհիւ մի համեստ պաշտօնի տէր կը դառնայ և մի քիչ կազանալի իրանց ընտանիքի խղճուկ դրութիւնը: Սակայն թեմական դպրոցում ուսերէն լեզուի դասաւանդութիւնը շատ թոյլ էր եղել, այնպէս որ Առաքելը չէր կարող նոյն իսկ գրաբարի պաշտօն ոտանալ որեւէ մէկի մօտ: Իրա համար էլ իր ազգականների խորհրդով Առաքելը 1874 թ. մտնում է Շուշու քաղաքային վերակազմեալ դպրոցը, որը նրա համար կրթական մի բոլորովին նոր աշխարհ էր թեմական դպրոցից յետոյ: Իպրոցի ուսուցչական խմբի մեծ մասը Աղէքսանդրեան դպրոցը աւարտած ազատամիտ և նոր հովերով բռնուած մանկավարժներից էր բազկացած, որոնք իրանց առարկաները շատ լաւ էին գրել և աշակերտների մէջ հե-

տարբերութիւն գարթեցրել զբանց շուրջը: Ռուսումնաձարաւ և արտակարգ ընդունակութեան տէր Առաքելը այդ գպրոցումն էլ դառնում է իր աշակերտակիցներին մէջ կենտրոնական անձնաւորութիւն, որի օգնութիւնն էին դիմում շատ անգամ նոյն իսկ քարձր դասարանների աշակերտները իրանց գրաւոր շարագրութիւնների համար: Առաքելի ընդունակութիւնն ու ընթերցասիրութիւնը գրաւում է նաև իր ուսուցիչներից շատերի ուշադրութիւնը, որոնցից մանաւանդ մէկը նրան շարունակ վրդակահան և հատարակագիտական բովանդակութիւն ունեցող գրքեր էր տալիս կարդալու:

1877 թ. սկսում է սուտաճական պատերազմը: Առաքելը դեռ քաղաքային գպրոցի վերջին դասարանի աշակերտ էր, երբ սկսեց Չուշույ թղթթակցել Թիֆլիսում հրատարակող «Кавказъ» լրագրին. նրա այդ առաջին թղթակցութիւնը ազմուկ է բարձրացնում ոչ միայն Չուշու հասարակութեան մէջ, այլ և գպրոցում, որի համար նկատողութեան է արժանանում գպրոցի տեսուչ Նիկիտինի կողմից: Այդ թղթակցութեան մէջ Առաքելը յայտնում էր, որ Ղարաբաղի թուրքերը անհամբեր սպասում են, թէ էրբ պէտք է տաճիկները ներս մտնեն Ղարաբաղ, որպէս զի իրանք միանան նրանց հետ:

1878 թ. Առաքելը իբրև առաջնակարգ աշակերտ աւարտում է քաղաքային գպրոցը և ընտանեկան ծանր հոգսերի պատճառով չէ կարողանում իր ուսումը շարունակել և բարձրագոյն կրթութիւն

ստանալ, չը նայելով որ տեսուչ Նիկիտինը նրան շարունակ խորհուրդ էր տալիս այդ, ի նկատի ունենալով նրա սէրը և ընդունակութիւնը:

Չուսով մեռնում է ժամկոչ Գրիգորը և իր ամբողջ ընտանիքի ծանր բեռը թողնում է Առաքելի վրայ: Նոյն թուականին Առաքելը դիմում է նախնային մայրաքաղաքը գործ գտնելու: Այնտեղ կրկար ժամանակ պարսպ 5 մնում և վատ ապրուստի պատճառով թոքերի բորբոքում օտանում: Բազում անցկացրած օրերը Առաքելը նկարագրել է իր «Պանդուխտ» վիճակագրով վիպակի մէջ, որի մէջ դուրս բերւած միջավայրումն է անցկացրել և նա իր տարիներից մէկը:

«Պանդուխտ» վիպակի տակ Առաքելը առաջին անգամ ստորագրում է «Լէօ» կեղծ անունը, որը նրա ամբողջ գրական գործունէութեան ժամանակ և մինչև այսօր էլ մնում է իբրև զլրատր կեղծ անունը:

Եթէ ի նկատի ունենանք նաև այն հանգամանքը, թէ պատերազմից յետոյ ինչպէս իմանալի էր կեանքը—(ալիւրի Կուլթը արժէր 4 ուրլի) Չուշում, այն ժամանակ հասկանալի կըլինի նիւթական այն անտանելի կացութիւնը, որին կենթարկւած էր Լէօյի ընտանիքը: Այն ժամանակ Լէօն իր ընտանիքով ապրում էր մի խրճիթում, որը նրանց յանձնել էր հարուստ քաղաքացիներից մէկը այն պայմանով, որ Լէօյի մայրը ծառայէր նրանց տանը, իսկ իրանք պահպանէին այդ քաղաքացու պարտկը:

Հօր մեծնեղաց մի ամիս յետոյ Լէօն հասարակ
 գրագրի պաշտօն է ստանում քաղաքային նօտարի
 մօտ, ամսեկան 8 ուրբլի ոսճիկով, որի maximum-ը
 հասնում էր 15 ուրբլու: Բարոյական տեսակետից
 դա մի այլանդակ շրջան էր, որի մէջ ստիպւած էր
 ապրել Լէօն, նրա ծառայակիցները թղթախաղու-
 թեամբ և գինեմոլութեամբ տարւած մարդիկ էին,
 որոնք, քիչ էր մնացել, որ Լէօին խրէին արգմի մէջ:
 Սակայն նա մի այդպիսի շրջանումն էլ ցոյց է տա-
 չիս իր բարոյական առկուծութիւնը և ազատ ժամե-
 քին պարապում է ընթերցանութեամբ, թարգմանու-
 թիւններով և իր սուղ միջոցներով նոյն իսկ թեր-
 թիւ է ստանում:

Նօտարի մօտ գրագրի պաշտօնով մնում է
 1879-81-ի մարտը, որից յետոյ նա տեղեկրաֆիս-
 տի պաշտօնով մտնում է Շուշու հեռագրատունը
 23 բուբլի ոսճիկով և այդ հիմնարկութեան մէջ ծա-
 աայում է մինչև 1893 թիւը: Փեռ նօտարի մօտ ե-
 դած ժամանակ մէկ-մէկ թղթակցութիւններ էր ու-
 զարկում Թիֆլիսի օրաթերթերին օրուայ գէպրերի
 մասին, որոնց բովանդակութիւնը կազմում էին
 Չուշու գաւառական կեանքի զանազան վաշխառու-
 ների բացասական գործերը, ժամանակակից կեան-
 քի թանգութիւնը և ուրիշ հարցեր:

1880/81 թուականներին Չուշու մտաւոր հե-
 տաքբերութեան գլխաւոր կենտրոնը ներկայացնում
 էր տեղական երիտասարդ ինտելիգենտների մի շրջ-
 շան, որի մէջ այն ժամանակ աչքի էին ընկնում Դ.
 Աղայեան, Ս. Մանգլինեան, Տ. Նազարեան, Ն. Տէր-

Աւետիքեան, Ս. Հախումեան, Թոխմախեան, Յով-
 հաննիսեան և ուրիշները: Այդ շրջանում գրական մի-
 բաւական համեստ շարժում կար: Վերոյիշեալ ինտել-
 իգենտները պարբերական ժողովներ էին անում,
 պարապում էին խմբական ընթերցանութեամբ և
 նոյն իսկ մտնկական գրքեր էին հրատարակում:
 Չուշու տպարանատէրը այդ գրքերի համար սրբա-
 դրէշի պաշտօնով հրաւիրում է Լէօին: Քիչ ժամա-
 նակից յետոյ Լէօն առիթ է ունենում անձամբ ծանօ-
 թանալ այդ տպարանում հրատարակող գրքերի հրա-
 տարակիշները հետ և շուտով դաւնում է վերոյիշ-
 եալ շրջանի մօտիկ անդամներէց մէկը: Բնական է
 այն բարեբար և զրական ազդեցութիւնը, որ ունե-
 ցաւ վերոյիշեալ շարժումը Լէօի վրայ: Այդ տպա-
 րանում տպւեց առաջին անգամ և Բաֆֆիի «Խնն-
 թը» Ա. Ապրէսեանի հրատարակութեամբ, որով Լէ-
 օն այնքան է յափշտակում, որ կարգում է հօթն
 անգամ:

Չուշու ինտելիգենտ շրջանում Լէօի սէրը գէ-
 պի գրականութիւնը և հայ մատուրք արելի է զար-
 գանում: Նա այժմ սկսում է յաճախակի թղթակ-
 ցութիւններ ուղարկել Թիֆլիսի հայկական ամե-
 նօրեայ պարբերական թերթերին: 1882 թ.
 Լէօն ստանում է «Մշակ» քաղբեր: Փրիգոր Արծրու-
 նու առաջնորդոյնները ցնցող տպաւորութիւն են
 թողնում երիտասարդ Լէօի վրայ: Այդ առաջնոր-
 դոյներից մանաւանդ մէկը, որտեղ Արծրունին մատ-
 նացոյց էր անում մեր գաւառներում թագաւորող
 մտաւոր խաւարի վրայ և պախարակում բազմազան

օգնութեան կարօտ գաւառներէից խոյս տւող հայ ինտելիգենտներին, առանձնապէս զբաւում է Լէօի ուշադրութիւնը: Չէ որ նա էլ մի այդպիսի գաւառի սրտացաւ երիտասարդ էր, որին շատ լաւ ծանօթ էին հայ գլխաւոր դաւառներից մէկի ցաւերն ու կարիքները: Իր Արծրունու մտքով Լէօն էլ զրուս է իր առաջին թղթակցութիւնը «Մշակ»-ին 1882 թըւին, որով և նա մի անգամ ընդմիջտ կապուում է «Մշակ»-ի հետ: առաջին յօդուածի լոյս տեսնելուց խրատուսուած, Լէօն «Գաւառացի» կեղծ ստորագրութեամբ «Մշակ»-ին սլարբերարարութեամբ է մի շարք թղթակցութիւններ, որոնց նիւթը վերցրած էր Չուշու տեղական կեանքից: Այդ թղթակցութիւնները շուտով արժանանում են Արծրունու առանձին հետաքրքրութեան և ուշադրութեան: Մի քան ամսից յետոյ Լէօն սկսում է «Մշակ»-ում զետեղել բանասիրական յօդուածներ, որոնց նիւթը կադմում էր Հայկունու քննադատութիւնը Քաֆֆիի մասին: Արծրունին նամակներով և Չուշի գնացող ծանօթներով շարունակ գովում և խրատուսում էր Լէօին: Վերջինս արդէն զանում է «Մշակ»-ի կանոնաւոր աշխատակիցներից մէկը: 1883 թ. Չուշում առանձին զբրով լոյս է տեսնում Լէօի թարգմանութեամբ Մօրզմուլցեմի «Արարատի գլուխը» վերնագրով աշխատութիւնը, որի մէջ հեղինակը նկարագրում է իր կատարած ճանապարհորդութիւնը Երևանեան նահանգում և Վասիսի գագաթը բարձրանալը:

1884 թ. հայկական հասարակական կեանքի խոշոր երևութիւններից մէկը կաթուղիկոսական ինդիլին

էր: Դէսրդ Գ-ի մահից յետոյ կաթուղիկոսական աթոռը թափուր էր մնացել և սպասում էր նոր կաթուղիկոսի ընտրութեան: Կովկասում սկսել էր կաթուղիկոսական պայքարը, որին հաւանդուն կերպով մասնակցում էր նաև «Մշակ»-ը: Նախընտրական պայքարը ետում էր նաև Չուշում, որ նրա բնակիչներին բաժանել էր կուսակցական խմբերի: Լէօն իբրև աչքի ընկնող «Մշակական» ինտելիգենտներից մէկը՝ կուսակցական կռիւներ է մղում Չուշու սահպանողական տարրի դէմ և պրոպագանդա է անում յօդուտ «Մշակ»-ի կաթուղիկոսական թեկնածուի: Այդ խնդրի առթիւ նա էր Չուշուց գլխաւոր աշխատակցով «Մշակ»-ին:

1884 թ. առանձին զբրով Չուշում լոյս է տեսնում Լէօի առաջին ինքնուրոյն աշխատութիւնը «Ուխտաւորի յիշատակարանը», որտեղ հեղինակը շնորհալի կերպով նկարագրում է իր ճանապարհորդութիւնը դէպի Ղարաբաղի նշանաւոր վանքերից մէկը՝ «Տիգրփայտ» կոչուած ուխտատեղին: Այդ միևնոյն թուականին Գ. Արծրունին ստիպուած է լինում նիւթական սուղ միջոցների պատճառով ժամանակաւորապէս դադարեցնել «Մշակ»-ի հրատարակութիւնը, յոյս ունենալով ապագայում նոր միջոցներով վերսկսելու իր թիքթի հրատարակութիւնը: Ահա հէնց այդ դադարած «Մշակ»-ի վերջին համարներում տպւում է Լէօի առաջին վէպը «Մնայաշտութեան քուրմը» վերնագրով: Վերջինս Չուշու գաւառական կեանքից վերցրած մի պատկեր էր, որտեղ հեղինակն բաւական հտտաւութեամբ դուրս է բերում մի կախարգ, որ

խարում է ծանր հիւանդ ունեցող տէրերի, իբր թէ ինքը կարող է բժշկել հիւանդին և նիւթակահապէս շահագործելով նրանց, ի հարկէ ոչնչով չէ կարողանում օգնել հիւանդին, որ և շուտով մեռնում է:

«Մշակի» դադարելուց յետոյ Լէօն գրում է Ա. Յովհաննիսեանի խմբագրութեամբ լոյս տեսնող «Արձագանք» շաբաթաթերթում, որի յարաբերութիւնը «Մշակ» լրագրի հետ դեռ ևս այնպէս թշնամական չէր, ինչպէս որ եղաւ վերջին տարիները, երբ արդէն «Արձագանք»-ը օրաթերթ էր դարձել: Լէօն, որ այդ ժամանակ ինքնակրթութեամբ արդէն բաւական մը տաւոր պաշար էր ձեռք բերել և ծանօթացել ուսն գրականութեան նշանաւոր ներկայացուցիչների գլխաւոր երկերի հետ, այժմ սկսում է «Արձագանք»-ին աշխատակցել ոչ միայն տեղական կեանքին վերաբերող թղթակցութիւններով և յօդուածներով, այլ և պատմական մանր ուսումնասիրութիւններով:

1885 թ. Մարտէլում սկսում է հրատարակել Մկրտիչ Փորթուզալեանի խմբագրութեամբ «Արմէնիա» լրագիրը, որի գլխաւոր նպատակն էր արտասահմանում սրբապաշտանգա անել «հայկական դատի» համար: Երիտասարդ գրող Լէօն իր գրական բեղմնաւոր աշխատանքից բաժին է հանում նաև այդ հայ թերթին, որտեղ «ոուսահայ» ստորագրութեամբ զետեղում է յօդուածներ և երկու փոքրիկ պատկերներ, որոնցից մէկը— «Հայ դիւզացի»-ն պատկերացնում է հայ ժողովրդի այդ աշխատասէր մասի ժամանակակից աննախանձելի գրութիւնը, իսկ երկրորդը մի վէպիկ է ուսուտաճկական պատերազմից:

1886 թ. վերսկսում է «Մշակ»-ի հրատարակութիւնը: Գ. Արծրունին «Մշակ»-ի շուրջն է համախորհում իր նախկին գլխաւոր աշխատակիցներին, որոնց թւում և Լէօնն: Վերջինս, որ նախկին տարիներում յաճախակի էր արժանացել Գ. Արծրունու խրատատանքներին և գովեստներին «Մշակ»-ում զետեղած իր շնորհալի թղթակցութիւնների, յօդուածների և պատկերների համար, այժմ աւելի ուժգին թափով ու եռանդով սկսում է իր սիրած թերթին աշխատակցելը: Մէկը միւսի ետեից գրում է յօդուածներ, թրդթակցութիւններ, պատկերներ, վէպիկներ, գրական, մանաւանդ քննադատական յօդուածներ և այլն: Այդ շրջանի սկզբում Լէօն գրած առող պատկերներից մէկն էլ նրա «Պանդուխտ» վերնագրով գրուածքն է, որի մէջ բաւական աչոյ կերպով պատկերացրել է պանդխտութեան վնասակար և քայքայիչ հետեւանքները: Արծրունին մի առանձին առաջնորդող նախընթացով այդ վէպիկի (1888) մէջ հեղինակի արժարժամ մտքին, ցոյց էր տալիս պանդխտութեան կորստաբեր հետեւանքները: Դրանից յետոյ Լէօն գրում է մի շարք ուրիշ պատկերներ, որոնց մէջ շատ կենդանի կերպով դուրս էին բերւած գաւառական կեանքի մի քանի սովորական տիպեր (ազոյ հոգաբարձու, գաւառական հասարակական գործիչներ և այլն): Դրանց ընդհանուր խօսքերով կարելի է կոչել կենցաղավարական պատկերներ: Դրանց շարքում կարելի է գտնել հեղինակի «Դայեր»-ը (Ընդուն բնախառնների հրատարակութեամբ) «Գաւառական հերոսներ» և այլն: 1888 թ. Լէօն «Մշակ»-ում տալիս է նաև մի քա-

13588-52

նի ընդարձակ ուսումնասիրութիւններ Տաճկահայ կին գրող Տիւսաբի և Գարեգին Սրուանձեանի երկերի մասին, որոնք քննադատական մեծ արժէք ունեն:

Միևնոյն թիւին Լէօն աշխատակցում է մանկական «Աղբիւր» ամսագրին «Լէօ» և «Հրահատ» կեղծ պնուններով, որտեղ զետեղում է մեծ մասամբ պատմական վէպեր («Թաթախման գիշեր», «Սպանուած հայրը» և «Վահան Մամիկանեան»), որոնք յետոյ արտատպւում են տոանձին գրքերով: Գա «Աղբիւր» ամսագրի ծաղկած ժամանակն էր, որի մէջ Լէօն գլխաւոր աշխատակիցներից մէկն էր Ղ. Աղայեանի հետ մրասին: Այդ ամսագրումն է լոյս տեսնում Լէօի նաև մեծ մարդկանց կենսագրութիւնների ժողովրդական սերիան «Երևելի մարդիկ» ընդհանուր վերնագրի տակ: Այդ կենսագրութիւններից նշանաւոր են «Վիկտոր Հիւզօ»-ն և «Լիվինգստօն»-ը:

1889 թիւին հրատարակւում է Ա. Սրատխանեանի «Մուրճ» ամսագիրը, որի գլխաւոր աշխատակիցների շարքումն էր նաև Լէօն: Այդ ամսագրումն են լոյս տեսնում հեղինակի Ղարաբաղի Խաչէն գաւառում կատարած ճանապարհորդութեան շատ զեղեցիկ կենդանի և ընդարձակ նկարագրութիւնը «Հինգ օր» վերնագրով, յետոյ «Պարածներ» վէպը, հրապարակախօսական մի շարք յօդածներ «Գաւառական կեանք» ընդհանուր վերնագրով և ուրիշ գործեր: Միաժամանակ նա աշխատակցում է Մ. Բարխուդարեանի «Հանդէս գրականական և պատմական» պարբերական ժողովածուներում, որ լոյս էր տեսնում Մօսկւայում: Այդ հանդէսումն է տպուել

Լէօի ընդարձակ քննադատութիւնը «Գաւթ և Մըհերի» մասին և «Ծեր Մարկոս» վէպիկը գիւղական կեանքից վերցրած: Այդ վէպիկում հեղինակը զուրա է բերում մի գիւղացի, որ թողնում է իւր հայրենի հողը, վերադառնում մի քաղաքի անսովոր շրջան և զրանով կորցնում իւր տնտեսական բարեկեցութիւնը:

1890 թ. Թիֆլիզում Տ. Նազարեանի խմբագրութեամբ հրատարակւում է «Ճարադ» պատկերազարդ շաբաթաթերթը, որի խմբագիրը Լէօին հրաւիրում է նաև իւր այդ երկրորդ թերթին աշխատակցելու: Լէօն արդէն այնպիսի առաջնակարգ գրողների շարքն էր անցել, որի աշխատակցութիւնը գրաչական էր համարւում իւրաքանչիւր նոր հայ թերթի ապագայի համար: Այդ շաբաթաթերթում Լէօն հրատարակում է Ղարաբաղի մելիքների կոխը պատկերացնող մի պատմական վէպ «Վերջին վերքեր» վերնագրով և «Գողացած աստղ» պատկերը, որ գաւառական բարբերի և հասկացողութիւնների մի նկարագրութիւն էր: Գրանից առաջ Լէօն մի առանձին գրքով լոյս էր ընծայել իւր «Վէպ, թէ պատմութիւն» գրուածքը, որ ներկայացնում էր կեղծիքը դուրս հանող մի քննադատական աշխատութիւն Մ. Վ. Բարխուդարեանի «Գողանիք Ղարաբաղի» գրուածքի մասին: Նոյն տարւոյ գործ է և Լէօյի «Մոյրի աղջիկը» վերնագրով գեղեցիկ պատկերը, որտեղ նկարագրւած աղջիկը մի փոքր հայի համար գոհ է դառնում մի անբարեյական հարուստի:

1891 թ. «Մշակ»-ի նախկին աշխատակից Խ. Մալու-



13598-58

մեանի հրատարակութեամբ Թիֆլիզում լոյս է տեսնում ժողովրդական գրքերի մի սերիա, որի սահմանափակ հրատարակութիւններից մէկը «Արմագին» վիպակը պատկանում է Լէօին: Գիւղարան վաշխաւունքի կեանքը գեղեցիկ կերպով պատկերացնող այդ վիպակը մինչև այժմ էլ համարում է հեղինակի զեղարեւոտական յաւագոյն երկերից մէկը:

1893 թ. Լէօի կեանքում մի մեծ փոփոխութիւն է կատարում, որը ահագին ազդեցութիւն է ունենում նրա սպասույ գարգացման և գրական գործունէութեան վրայ: Մինչև այդ ժամանակ նա ճաշում իւր ընտանիքի գոյութիւնը պահպանում էր տեղեկորափիտի պաշտօնով, որի ոռնկի maximum-ը վերջին տարին 45 աութլու էր համարում: Նա տեղափոխում է Բագու «Արօր» տպարանի կառավարչի պաշտօնով: Ակզբում նա այդ պաշտօնում չէր կարողացաւ գրական ինտենզիւ աշխատանքներով զբաղւել, որովհետև տպարանական ծանր գործերը ամբողջապէս կլանում էին նրա ժամանակը և բացասական ազդեցութիւն թողնում նրա ստեղծութեան վրայ:

Ազատ ժամանակը նա նւիրում էր «Արօր» պատկերազարդ օրացոյցների խմբագրութեան, որ հրատարակում էր նոյն տպարանը: Այդ օրացոյցները իսկապէս գրական ժողովածունք էին, որոնց գրեթէ բոլոր մասերը գրում էր Լէօն, զրանց մէջ նա ունի պատմական, գրական, քննադատական և վիճակագրական գրութեանք, որսնք իւր ժամանակին շատ էին տարածում և մեծ հետաքրքրութեամբ

կարդացում: Բագուում Լէօն լոյս ընծայեց իւր «Ախտահանութիւն» վէպը և այնտեղից աշխատակցում էր «Մշակ»-ին և «Աղբիւր»-ին գրական և հրատարակատեսակական յօդւածներով:

1895 թ. երբ մեռել էր տիկին Մելիք-Աղամալեան-Արծրունին, նա «Մշակ» լրագիրը կտակել էր իր ամուսնու եղբայր պրօֆ. Անդրէաս Արծրունուն: Վերջինս չէր ցտականալով թողնել Գերմանիայի Ախէն քաղաքի բազմաբուստեան դպրոցում իւր պրօֆէսօրական պաշտօնը, անունով յանձն առաւ «Մշակ»-ի հրատարակչի պաշտօնը, և վճուել էր նորից գերազաննալ Գերմանիա: Նա Թիֆլիզում եղած ժամանակ «Մշակ»-ի համար կազմակերպում է խմբագրական մի նոր կազմ և Լէօին Բագուից հրաւիրում է խմբագրութեան մշտական աշխատակցի և քարտուղարի պաշտօնով: Այդ օրուանից սկսում է Լէօի գրական և հրատարակատեսակական գործունէութեան մի նոր և աւելի արդիւնաւէտ շրջանը, որ տևում է մինչև 1906 թւականը: Մինչև այդ ժամանակ նա չէր կարողացել իրեն ամբողջապէս նուիրելու գրական գործունէութեան, որովհետև նա ստիպւած էր իր ընտանիքի գոյութիւնը պահպանել կուելով իրեն շրջապատող նիւթական ամենամանախանձելի պայմանների դէմ: Այժմ խմբագրութեան մէջ մշտական աշխատակցի պաշտօն ստանալով ամենաշամեօտ ոռնկով, հնարաւորութիւն էր ստանում գոնէ ուրիշ գործերով չէր պարապել:

Անդրէաս Արծրունու հրաւերը Լէօն ուրախութեամբ ընդունեց և վերջնականապէս տեղափոխեց

1388-87

Թիֆլիզ: Չատ պատասխանատու աշխատանք էր պահանջում նրա այդ պաշտօնը: Խմբագրութեան մէջ նրան վիճակած էր առաջնակարգ գեր խաղալ, որովհետեւ նա իր ուսերի վրա տանում էր այդ թերթի գլխաւոր բաժիններից մի քանիսը: «Մշակի» համար, նա գրում էր առաջնորդող յօդուածներ, պատկերներ, վէպեր, քննադատական պատմական և գրական ուսումնասիրութիւններ: Առանձնապէս նա շատ է դարգացնում լրագրի քննադատական գրախօսական բաժինը և մարտական սասի ամբողջ ծանրութիւնը, իր վրա առնում: Թւել այն քոլոր աշխատութիւնները, որ նա գետեղել է «Մշակ»-ում 1895—1906, նոյն իսկ Ֆիդիքապէս անհնարինէ: Չափազանցութիւն չի լինիլ, եթէ ասենք, որ այդ շրջանի «Մշակ»-ի գրեթէ իւրաքանչիւր համարի հետ կապուած է Լէօն կենտրոնական անունը: Բացի բազմաթիւ լրագրական գործերից Լէօն այդ շրջանի «Մշակ»-ում հրատարակում է «Մեղիքի ազդեկը» պատմական մեծ վէպը, «Ազգի պահպան», «Գերեզմաններն են խօսում» վիպակները և նոր ճարուայ ու Ջատիկ առիթներով գրած պատկերները: Այդտեղ են լոյս տեսնում և նրա «Կրնտէի ազատագրութեան» մանրամասն պատմութիւնը և հերթական քաղաքական հարցերի մասին յօդուածները: Աչքի են ընկնում նաև Լէօն պատմական-հրապարակախօսական ընդարձակ յօդուածներից մանաւանդ երկուսը— «Հին ուրուականը» և «Իլիա ճաւճաւաճէ»-ի առաջինը ուղղուած է այն կաթոլիկ միսիօնարների դէմ, որոնք Վանում սովի ժամանակ սովեայ հայերին գրամ բաժանելիս պրո-

պագանդա են անում հաւատախոխութեան համար: Այդ բանի համար շայր Չարմտանը այնքան էր ոգեծրել, որ եւրօպայում նոյն իսկ լուրեր էր տարածել, թէ Վանի հայերը իրանց տարբեր հաւատի համար են կոթարկել այդօրինակ մի մեծ աղէտի:

«Իլիա ճաւճաւաճէն» իւր ժամանակին մեծ տրպաւորութիւն է թողել հայ ընթերցողների վրայ: Երբ վրացի այդ նշանաւոր գրողը հրատարակեց իր «Հայերը և ազազակոյ քարերը» վերնագրով շովինիստական աշխատութիւնը, որով վրացիներին զրգրում և սաստիկ յարձակում էր հայերի դէմ, Լէօն այդ գրուածքին 9 բանասիրական է նւիրում, որոնց մէջ նա դատասպարտում է վրացի հեղինակի թունաւոր շովինիզմը, հերքում է նրա գրպարտութիւնները և սխալները հայերի նկատմամբ, պատճառաբանելով որ հայերը և վրացիները միանման ճակատազրի զաւայներ են, հետեապէս և վնասակար է նրանց մէջ թոյն պատուաստելը:

Լէօն ընդհանուր վերնագիրների տակ պարբերական մի քանի բաժիններ է սկսում «Մշակ»-ում, որոնց գլխաւոր նիւթերը օրւայ հերթական հարցերն էին մատակարարում: Այդպէս էին օր. «Ընթերցողի օրագիրը», «Կիւրակնօրեայ զրոյցներ» և այլն: Բացի դրանից նա մի քանի տարի շարունակ տանում է «Մամուլ»-ի բաժինը, որի մացնողը առաջին անգամ «Մշակ»-ում լինում է Լէօն, որ մեծ ընդունելութիւն է գտնում ոչ միայն ընթերցողների, այլ և հայկազան միւս թերթերի և ամսագիրների կողմից:

Եղել է նաև այնպիսի ժամանակ, երբ Լէօն

կատարել է խմբագրի պաշտօնը և միայնակ տարել է ամբողջ թերթը, երբ խմբագրութեան բոլոր անդամները բացակայ էին քաղաքից: Քրական գեմբեր» ընդհանուր վերնագրի տակ Լէօն անել է մի քանի զրական անալիզներ Գամառ-Քաթիկայի, Անաղաթեանի և ուրիշների մասին:

Ինչ ևս «Մշակ»-ի խմբագրութեան մշտական աշխատակիցն էր Լէօն, երբ նրա համարներում պետից յոյս բնծայել իր մեծ և նշանաւոր աշխատութիւններից մէկը «Հայկական տպագրութեան» Ի հատորը: Պատմական այդ աշխատութիւնը կազմուել է Լէօնի երկարամեայ պատմական ուսումնասիրութիւնների գլխաւոր արդիւնքը, որի նպատակն էր հայ ժողովրդին տալ պատմութեան ներառ անցեալ մտաւոր, հոյւտուրական և քաղաքական կեանքից, որը գրեթէ բոլորովին անծանօթ էր նրան: «Հայկական տպագրութեան» այդ հատորը իր մէջ ամփոփում էր հայերի պատմութիւնը XVI—XVII դարերում պատմական մի այնպիսի նիւթ, որի համար հեղինակը ահազին աշխատանք էր թափել: Հեղինակը այդ գործի վերնագիրը գրել է «Հայկական տպագրութիւն», որովհետև տպագրութիւնն է այն առանքը, որի շուրջը պտոյտ է գալիս հեղինակի պատմական այդ աշխատութիւնը: Իր տեսակի մէջ Լէօնի այդ գործը առաջինն է, որովհետև դա մասնակի և կենդանի կերպով պատմում է հայերի անցեալը երկու դարերում: Հէնց այդ է գլխաւոր պատճառը, որ նա կարճ ժամանակից յիասյ արժանազար կրկրորդ փոփոխւած և լրացրած տպագրու-

թեան: Պատմական ուսումնասիրութեան այդ գործի շարունակութիւնը կազմում է դրա երկրորդ հատորը, որ յոյս տեսաւ առանձին գրքով:

Հայկական տպագրութիւնից առաջ Լէօն յոյս էր բնծայել Թիֆլիսի «Հայոց հրատարակչական ընկերութեան» հրատարակութեամբ անգլիական պետական մարդասէր գործիչ «Բյադստօն»-ի կենսագրութիւնը, որ այնքան մեծ դեր էր կատարել հայկական դատի պաշտպանութեան գործում, նախապատրաստելով Անգլիայում համարակալական կարծիք վերոյնշեալ դատի համար:

Լէօն իր գրական առաջագիմութեամբ գրեթէ ամբողջապէս պարտական լինելով իւր ուսուցիչ Արծրունու և նրա ստեղծած շիօյային, չէր կարող անտես անել այդ ուսուցչի կատարած դերը մեր իրականութեան մէջ: Եւ այն երթրունու կեանքն ու գործունէութիւնը նա դարձնում է իւր խոշոր ուսումնասիրութիւններից մէկի նիւթը, «Փրկողը Արծրունի» վերնագրով: Այդ եւսահատոր աշխատութեան մէջ Լէօն ամփոփել է Գ. Արծրունու կեանքի ու գործունէութեան մանրամասն տեսութիւնը: Նա դրա մէջ առատ փաստերով և օրինակներով աշխատում է ազատցուցանել, որ Գ. Արծրունին իր ժամանակին երկան է պալիս իրեն առաջին մեծ ութիւնը հայկական հրատարակարտութեան ամբարիղոս: Թէև Արծրունուց առաջ էլ մեր մէջ երեան են եկել ազնիւ, առաջադիմ և իրանց ժողովուրդի բարոյական վերածնութեամբ ողկորում հրատարակարտներ, սակայն նրանցից և ոչ մէկը Արծրունու պէս չէ ունեցիլ քեզմասեր և

երկարատե գործունէութիւն, անասման եռանդ, մեծ տաղանդ և հասարակութեան վրայ մեծ ազդեցութիւն: Լէօյի կարծիքով Արծրունին ըր ժամանակի, իր շրջանի խոշոր պատմական անձնաւորութիւնն է, որ հայ հասարակութեան միտքը տանում էր դէպի առաջ, դէպի լոյս և իմացականութիւն:

Այդ աշխատութիւնից առաջ Լէօն առանձին գրքերով լոյս էր բնծայել «Յովսէփ կաթողիկոս Արդուժեան», «Մտեփաննոս Նազարեան» (2 հատոր) և «Մ. Մեսրոպ» գրութիւնները, որոնց մէջ նա տալիս էր վերոյիշեալ պատմական անձնաւորութիւններին մանրամասն կենսագրութիւնն ու գործունէութիւնը:

1901 թւից սկսած Լէօն միաժամանակ սկսում է աշխատակցել նոր շրջանի «Մուրճ» ամսագրին, որ հրատարակում էր Կ. Կրասիլնիկեանի խմբագիր-հրատարակչութեամբ: Լէօն հրաւիրում է նոր ամսագրի մշտական աշխատակից և միևնոյն ժամանակ խմբագրութեան անդամ և եռանդուն ու պատասխանատու մասնակցութիւն է ունենում ամսագրի բովանդակութեան նկատմամբ: «Մուրճ»-ում նա վարում է մշտական բաժիններ, օր. դատաւարական կեանքի տեսութիւն, պարբերական մամուլ և միշտ մասնակցում է խմբագրական ժողովներին: Այդպէս նա աշխատակցում է մօտ 2 տարի «Մուրճ» ին և հրատարակում է այնտեղ «Հայոց գրականութիւնը 18-րդ դարում», այսինքն «Հայկական տպագրութեան» Բ. հատորը: «Մուրճ»-ումն են լոյս տեսնում Լէօի «Ելծարած եղօն», «Հողի մարդիկը» և «Մնգուգական» վէպերը և գրական ու քննադատական բազմաթիւ յօդուածներ: Բացի դրան-

ցից նա «Փրական կորուստներ» ընդհանուր վերնագրի տակ ծանօթացրել է հայ քննադատներին թիւրքահայ Մ. Մամուրեանի, տիկ. Սրբ. Տիւսարի և Ստեփան Ոսկանի գրական դէմքերի հետ: Մի խօսքով Լէօն կազմում էր Կրասիլնիկեանի «Մուրճ»-ի ամենագլխաւոր նեցուկը, որի վրայ ծանրանում էին այդ ամսագրի մի քանի պատասխանատու բաժինները: Նրա ամենավերջին աշխատութիւնը, որ սկզբում տպուեց Վենետիկի Միլիթարեանների «Գեղունի» պատկերազարդ հանդեսում և ապա առանձին գրքով լոյս տեսաւ, «Ռուսահայոց գրականութիւնն» էր: Դա մեր մէջ առաջին ամբողջական փորձն էր, որ տալիս էր մեր նորագոյն գրականութեան նշանաւոր դէմքերի գրական-քննադատական անալիզը:

Այդպէս վերին աստիճանի տոկունութեամբ Լէօն առաջ տարաւ իր հրապարակախօսական գործունէութիւնը մինչև 1906 թ., երբ նա ստիպւած էր թողնել «Մշակ»-ի խմբագրութիւնը, որի հետ այնքան սերտ կերպով կապւած էր Լէօի անունը:

Նա հեռացաւ «Մշակ»-ից Ֆիզիքապէտ բոլորովին քայքայուած և սաստիկ հիւանդ դրութեամբ: Գրանից յետոյ նա մի տարի ուսուցիչ կգաւ Էջմիածնի Գէորգեան ճեմարանում, որպէս զի հնարաւորութիւն ունենայ միևնոյն ժամանակ Էջմիածնի Մաղենագարանից նիւթեր ժողովել իր ապագայ մի մեծ աշխատութեան համար, որի վերնագիրն է «Հայոց պատմութիւնը 16-րդ դարից մինչև մեր օրերը»: Դա պատմական նշանակութիւն ունեցող մի այնպիսի գործ է, որի կարիքը մեզ մօտ վաղուց է զգացւում: Այդ աշխա-

առութիւնը պետք է բաղկացած լինի երեք խոշոր հատորներից: Առաջին հատորը, որ այժմ բողոքովին պատրաստ է, ամփոփում է իր մէջ հայոց մանրամասն պատմութիւնը 16 ից մինչև 19 ըդ դարու բաղկիզբը: Հայերի վերջին դարի պատմութիւնը (19 ըդ) նա ամփոփել է երկու, դեռ ևս անպատրաստ հատորներում և օգտուել է հայկական ու ռուս բազմաթիւ ազգիւրներից: Արա մէջ ամփոփուած են հայկական աւելի ուշ ժամանակների գաղթականութիւնների պատմութիւնը, որոնք մինչև այժմ ոչ մի տեղ լոյս չեն տեսել. օր. Երուսաղէմի, Գրիմի, Հաշաւարխանի Գետերբուրգի, Տքանսիլվանիայ և Չերքէզայի գաղթականութիւնները: Լէօի վերջին այդ մեծ գործը ունի նաև մի ընդհանուր պատմական աղիւսակ հայերի անցեալի մասին, պատմական ամփոփումներ և մի առանձին ընդարձակ գլուխ Սասնեղական կայուածաւիրութիւնը՝ վերնագրով: Սակայն այդ աշխատութիւնը, որի հրատարակութիւնը հեղինակի նիւթական կարողութիւնից շատ բարձր է, սպասում է դեռ հրատարակիչների:

Մի քանի խօսք էլ Լէօի մասին, իբրև հասարակական գործչի: Բացի գրական գործունէութիւնից, Լէօն մասնակցել է նաև մեր մի քանի հասարակական հիմնարկութիւններում իբրև գործիչ: Այդ գործունէութիւնը աւելի եռանդուն է եղել մանաւանդ Չուշում, սրտեղ մեծ դեր է կատարել իբրև Չուշումեանական դպրոցի հոգաբարձու և Կոփկասի Հայոց Բարեգործական ընկերութեան Չուշում ճիւղի գանձապահ, քարտուղար և նախագահ: Լէօի հոգաբարձու-

թեան ժամանակ թեմական դպրոցի եկամուտը 8000 ից հասնում է մինչև 17000 թուրքի, դպրոցը ունենում է ուսուցչական լաւ խումբ, իսկ բարեգործական ընկերութեան Չուշում շատ հարուստ գրուգարանը Լէօի ջանքերի պեղծածն է: Թիֆլիզում նա եղել է Հայոց Հրատարակչական ընկերութեան խմբագրական մասնաժողովի գործունեայ անդամներից մէկը և այլն:

Եթէ վերցնենք նրա բոլոր գրուածքները, կտեսնենք, որ նա մեր նորագոյն գրականութեան խոշոր ղէմքերից մէկն է կազմում, որի ամբողջ գործունէութիւնը նուիրուած էր հայ հասարակութեան մտաւոր և կուլտուրական առաջադիմութեան գործին, որի համար և նա զբաւեց հայ հասարակութեան հաւատը և խորին յարգանքը: Գրան իբրև ապացոյց ծառայում է գրական այն մեծ ժողովրդականութիւնը, որ նա վայելում է հայ ընթերցողների շրջանում:

Սակայն ներկայումս վերին աստիճանի աննախանձելի է Լէօի դրութիւնը: Գրական ներկարամեայ գործունէութիւնից յետոյ նա հիւանդացել է ժամանակաւորապէս ընդհատել է իր այնքան սիրած գրական աշխատանքները: Լէօն դեռ ևս գտնուում է իր ընդունակութիւնների զարգացման նախանձելի շրջանում և կարող է աւելի օգտակար հանդիսանալ մեր գրականութեան, եթէ նա նիւթական քիչ շատ նախանձելի պայմանների մէջ լինի իր քայքայուած առողջութիւնը վերականգնելու համար:

Եւ այժմ, երբ Թիֆլիզը նախապատրաստում է տօնելու բազմաշխատ և բեղմնաւոր Լէօի գրական գործունէութեան 25-ամեայ յօբելեանը, հայ հասարա-

Գրք Է 10 Կ.

Հրասարակործին Յօրելիանական Յանձնաժողովի

Յանձնաժողովի հասցեն՝ Тифлисъ, Семинарія Нерсесявъ,
Ректору А. АГАРОНЯНУ.

22164

2013

